



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 40. Aetius promovetur, ut amoveatur.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

minaliter moveatur, opera Procuratoris defendere valeant. Neminis mancipium, aut Servus, cujusque generis sit, Statum Ecclesiasticum, vel Monasticum Institutum amplecti possit, ut conditionis suæ oneribus se liberet. Clerici nullum Mercaturæ genus tractabunt, si suis Privilegiis gaudere velint, sed unice functionibus Ecclesiasticis vacabunt.

Sæculum V.
A. C. 452.

§. XL.

Aetius promovetur, ut amoveatur.

Julianus Coanus, Papæ Constantino-
poli Mandatarius, datis litteris, testatur, se Sanctissimi Patris ærumnas dolere, ut suas, atque Italiæ inter Barbarorum arma gementis commiseratione tangi. Simul significat novissima Anatolii molimina, qui Aetium ab officio suo depositum, virum semper Catholicum, & Nestorianis æque ac Eutychnianis infensum, in Ecclesia cujusdam Cœmeterii Presbyterum ordinasset, ut alium Archidiaconum, cui Nomen Andreas, Eutychnis amicum, & Flaviani accusatorem, constitueret. Hac super re S. Leo ad Marcianum; & Pulcheriam epistolam dedit. Queritur, Anatolium sub Honoris specie Aetium gradu suo dejecisse; quippe, cum nec in hujus viri fide, nec in vita quidquam posset reprehendere, ipsum exuisse Archidiaconi munere, quod plurimum

Leo ep. 86.
al. 56.

Ep. 84. 85.
al. 57. 58.

Sæculum V. Auctoritatis possidenti conferret, quia il-
 A. C. 452. lius curæ omnia Ecclesiæ negotia essent
 commissa, & ad quoddam Exilii genus
 damnasse, dum eum Cœmeterio extra
 urbem, & loco remoto alligasset, nec
 aliam denique hujus rigoris causam lice-
 re suspicari, quam quod Aetius S. Flaviana,
 & Fidei Catholicæ semper addictissimus
 fuisse. Itaque Anatolius suspicioni
 locum dabat, quod errores Eutythis bona
 fide non abjecisset. Traditionem quo-
 que Apostolicam violaverat; nam Aetium
 Die Veneris ordinavit, cum id Nocte
 Sabbati, id est, Diem Dominicam præcedente,
 fieri oportuisset.

Sup. lib.
XXVII.
§. 33.

S. Leo Imperatorem, & Imperatricem
 rogat, ut Anatolium meliorem mentem
 induere cogant. Simul Principum favori
 Julianum Coanum commendat, quem
 suum Legatum constituisse significat, ut
 omnibus, quæ ad Fidem, pacemque Ec-
 clesiæ pertinent, invigilet, & illius tem-
 poris Hæreticis resistat. Hic videmus
 initium Legatorum Pontificiorum, Con-
 stantinopoli residentium, qui deinde Apo-
 crisiarii, seu epistolis Præfecti, dicti sunt,
 quo nomine jam antea illi veniebant,
 qui ab Episcopis Alexandrinis, & Antio-
 chensis missi, ad procuranda Ecclesiarum
 suarum negotia ibi morabantur. Alia
 vero ex causa Legati Papæ aderant; ni-
 mirum, ut totius Ecclesiæ bono labora-
 rent,

vid. Quesn.
not. 6. ad
ep. 84.

rent, ut Fidem, & Disciplinam confer-
 varent, ad ea, quæ Episcopi Constanti-
 nopolitani molirentur, vigiles oculos ad-
 verterent, & caverent, ne vel ipsi, vel
 alii Orientis Patriarchæ, quidquam, quod
 Ecclesiæ universalis Disciplinæ obesset,
 attentarent. Hæ epistolæ decima, & un-
 decima Martii, Opilione Consule, nempe
 anno 453. datæ.

S. Leo de his etiam ad Julianum
 scripsit, rogans præterea, se certio-
 rem faceret; quid Monachos Palæstinæ im-
 pulisset, ut tumultuarentur; an Euty-
 chis amor, vel zelus imprudens contra Ju-
 venalem Jerosolymitanum, qui Euty-
 chi olim favebat, animos concitasset. Petit
 etiam, ut sibi scribat, quid Monachi in
 Egypto, & Ecclesiæ Alexandrinæ age-
 rent. Mandat, ut Acta Concilii Calce-
 donensis, exacte in Latinum translata, &
 in unum Volumen collecta, ad se trans-
 mittat.

§. XLI.

*Epistola Marciani ad Monachos in
 Palæstina.*

Elapsis paucis diebus, causa turbarum
 in Palæstina, & quid iis reprimendis
 Imperator fecisset, ad S. Leonem delata
 sunt. Abbates, Monachi Jerosolymitani,
 & qui in vicinia habitabant, Pulcheriæ
 Augustæ Libellum supplicem tradide-
 runt;

Xx 5

Sæculum V.
A. C. 453.

Ep. 86. c. 3.